



Coimisiún na Scrúduithe Stáit

SCRÚDUIMHIR

*Scrúdú na
hArdteistiméireachta, 2017*

Stampa an Ionaid

Gaeilge Gnáthleibhéal

Páipéar I (Cluastuiscint agus Ceapadóireacht)

160 MARC

**Dé Luain
12 Meitheamh
Tráthnóna, 2.00 go dtí 3.50**

Cuid I: Cluastuiscint (60 Marc)

<i>Don Scrúdaitheoir</i>	
Cuid I: Cluastuiscint	
Na hIomláin	
Cuid A, Fógra 1	
Cuid A, Fógra 2	
Cuid B, Comhrá 1	
Cuid B, Comhrá 2	
Cuid C, Píosa 1	
Cuid C, Píosa 2	
Iomlán	

Eolas	
Gaeilge	
Móriomlán	

Nuair a bheidh Cuid I, an Chluastuiscint, críochnaithe agat lean ar aghaidh agus freagair Cuid II, an Cheapadóireacht, i do fhreagarleabhar.

Cuid I: Cluastuiscint

(60 Marc)

Treoracha d'iarrthóirí

Freagair gach cuid - A, B, C - sa fhreagarleabhar seo.

Caithfidh do chuid freagraí uile sa triail seo a bheith i nGaeilge, ach amháin nuair nach gá sin.

Cuid A

Cloisfidh tú **dhá** fhógra raidió sa chuid seo. Cloisfidh tú gach fógra díobh **faoi dhó**. Beidh sos ann leis na freagraí a scríobh tar éis na chéad éisteachta **agus** tar éis an dara héisteacht.

FÓGRA A hAON

Líon isteach an t-eolas atá á lorg sa ghreille anseo.

Cá mbeidh oifig ag an duine a cheapfar?	
Cén saghas Gaeilge atá riachtanach don phost seo?	
Cén tuarastal a gheobhaidh an duine a cheapfar?	
Cá bhfuil gach eolas faoin bpost seo le fáil?	

FÓGRA A DÓ

1. (a) Cén áit i dTrá Lí a mbeidh an lá eolais seo ar siúl?

(b) Cén t-am a thosóidh na himeachtaí?

2. (a) Cé a bheidh ag caint ar maidin?

(b) Cad is ceart a thabhairt leat?

Cuid B

Cloisfidh tú **dhá** chomhrá sa chuid seo. Cloisfidh tú gach comhrá díobh **faoi dhó**. Cloisfidh tú an comhrá ó thosach deireadh an chéad uair. Ansin cloisfidh tú ina **dhá** mhír é. Beidh sos ann leis na freagraí a scríobh tar éis gach míre díobh.

COMHRÁ A hAON

An Chéad Mhír

1. Cén scrúdú a bhí ag Seán ar maidin?

2. Cad atá ar an tábla do Sheán?

An Dara Mír

1. Cad air a gcaitheann Seán an iomarca ama, dar lena mháthair?

2. Cé mhéad airgid a thabharfaidh a mháthair do Sheán?

COMHRÁ A DÓ

An Chéad Mhír

1. Cén duine a raibh Áine ag fanacht leis sa Bhruiséil?

2. Cén fáth nár mhaith le hOisín dul go dtí an Bhruiséil na laethanta seo?

An Dara Mír

1. Cár chuardaigh Oisín post samhraidh?

2. Cad a bhí ar siúl sa chlub áitiúil?

Cuid C

Cloisfidh tú **dhá** phíosa nuachta sa chuid seo. Cloisfidh tú gach píosa díobh **faoi dhó**. Beidh sos ann leis na freagraí a scríobh tar éis na chéad éisteachta **agus** tar éis an dara héisteacht.

PÍOSA A hAON

1. Cathain a bunaíodh an compántas drámaíochta, Fíbin?

2. Scríobh síos ceann **amháin** de na teicnící drámaíochta a úsáideann Fíbin ina gcuid léirithe.

PÍOSA A DÓ

1. Cathain a d'éirigh Robbie Keane as a bheith ag imirt ar fhoireann idirnáisiúnta na hÉireann?

2. Cé mhéad bliain a chaith Robbie Keane ag imirt ar fhoireann idirnáisiúnta na hÉireann?

Cuid II: Ceapadóireacht

(100 Marc)

Treoracha d'iarrthóirí

Ní mór do na hiarrthóirí cúram a dhéanamh de chruinneas na teanga.

Cailfear marcanna má bhítear faillitheach ann.

Ní mór ceangal cinnte leanúnach a bheith ann idir an teideal a roghnaítear agus an t-ábhar a scríobhtar.

CEAPADÓIREACHT 100 MARC

Freagair do rogha **dhá cheann** de **A, B, C, D** anseo.

A – GIOTA LEANÚNACH / BLAG – (50 marc)

Scríobh **giota leanúnach** nó **blag** (leathleathanach nó mar sin) ar cheann **amháin** de na hábhair seo.

- (i) Rudaí a chuireann fearg orm.
- (ii) Comórtas a bhuaigh mé.
- (iii) Ócáid mhór spóirt.

B – SCÉAL – (50 marc)

Ceap **scéal** (leathleathanach nó mar sin) a mbeidh ceann **amháin** de na sleachta seo a leanas oiriúnach mar **thús** leis.

- (i) Mo bhreithlá a bhí ann. D’oscail mé an cárta ó mo thuismitheoirí. Léim mo chroí le háthas ...
nó
- (ii) Bhí mé taobh amuigh d’oifig an Phríomhoide. Bhuail mé cnag ar an doras. “Tar isteach,” a dúirt sé ...

C – LITIR / RÍOMHPHOST – (50 marc)

- (i) Bhain timpiste duit agus tá tú as láthair ón scoil i ndiaidh na timpiste.
Scríobh **an litir / an ríomhphost** (leathleathanach nó mar sin) a chuirfeá chuig cara leat ag insint dó / di faoin timpiste a bhain duit **agus** ag cur síos ar an gcaoi a gcaitheann tú an t-am agus tú as láthair ón scoil.
nó
- (ii) Bhí tú ar laethanta saoire sa Spáinn ar feadh seachtaine. Tá tú ar ais sa bhaile anois.
Scríobh **an litir / an ríomhphost** (leathleathanach nó mar sin) a chuirfeá chuig cara leat ag insint dó / di faoin áit ina raibh tú ar saoire **agus** faoi na rudaí a rinne tú ann.

D – COMHRÁ – (50 marc)

- (i) Beidh cóisir ag do chara ina theach ag an deireadh seachtaine. Ba mhaith leat dul chuig an gcóisir. Níl do thuismitheoirí sásta cead a thabhairt duit dul chuig an gcóisir.
Scríobh **an comhrá** (leathleathanach nó mar sin) a bheadh agat le do thuismitheoirí faoin ábhar sin.
nó
- (ii) Bhí tú féin agus cara leat ag caint faoi cheoltóir cáiliúil / amhránaí cáiliúil. Is maith leat an duine sin ach ní maith le do chara é / í. Scríobh **an comhrá** (leathleathanach nó mar sin) a bheadh agat le do chara faoin duine sin.

Leathanach Bán